

BOSNA I HERCEGOVINA
Agencija za razvoj visokog
obrazovanja i osiguranje
kvaliteta/kvalitete
Banja Luka



01-50-1-15-58-1/09.
БОСНА И
ХЕРЦЕГОВИНА Агенција за
развој високог образовања и
обезбјеђивање квалитета
Бања Лука

22.09/09.

Agency for Development of Higher Education and Quality Assurance

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23.09.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-58/09			

Broj: DZ 01 - 50 - 53/09
Datum: 26. 08. 2009. godine

PARLAMENTARNA SKUPŠTINA BIH
PREDSTAVNIČKI/ZASTUPNIČKI DOM
Trg BiH 1
SARAJEVO

Predmet: Odgovor na poslaničko pitanje poslanika Azre Alajbegović, dostavlja se

Veza: Vaš akt broj: 01-50-1-15-58/09 od 24. jula 2009. godine

Postupajući po aktu, broj i datum veze, koji smo putem faksa 033/655 231 zaprimili 13. avgusta, u vezi poslaničkog pitanja poslanika Azre Alajbegović koje je postavljeno na 58. sjednici Predstavničkog doma Parlamentarne skupštine Bosne i Hercegovine, održanoj 22. jula 2009. godine, dostavljamo Izvještaj o radu Agencije za razvoj visokog obrazovanja i osiguranje kvaliteta za 2008 godinu i obavijest Vijeća ministara BIH o razmatranju i usvajanju navedenog izvještaja.

Napominjemo da je Izvještaj o radu Agencije za period 1.1.2009 do 30.06.2009. godine na razmatranju kod Upravnog odbora Agencije.

Prilog: navedeno u aktu

Dostaviti:

1. naslovu
2. Kabinetu rukovodstva
3. a/a



www.hea.gov.ba, e-mail: info@hea.gov.ba

BA - 78000 Banja Luka, Bulevar vojvode Stepe Stepanovića 11, Tel.: +387 51 462 300, Fax: +387 51 462 302,
BA - 71000 Sarajevo, Vilsonovo šetalište 10, Tel/fax: +387 33 655 321

BOSNA I HERCEGOVINA
Agencija za razvoj visokog
obrazovanja i osiguranje
kvaliteta/kvalitete
Banja Luka



БОСНА И ХЕРЦЕГОВИНА
Агенција за развој високог
образовања и обезбјеђивање
квалитета
Банја Лука

Agency for Development of Higher Education and Quality Assurance

Broj: 01-241-219-1/09
Banja Luka, 23.03. 2009. godine

IZVJEŠTAJ O RADU AGENCIJE ZA RAZVOJ
VISOKOG OBRAZOVANJA I OSIGURANJE
KVALITETA BIH ZA 2008. GODINU

Banjaluka, 23. mart 2009.godine

1. UVOD

1.1. Osnivanje i početak rada Agencije za razvoj visokog obrazovanja i osiguranje kvaliteta BiH

Agencija za razvoj visokog obrazovanja i osiguranje kvaliteta (u daljem tekstu Agencija) uspostavljena je Okvirnim zakonom o visokom obrazovanju («Službeni glasnik BiH» broj 59/07) kao samostalna upravna organizacija.

Vijeće Ministara Bosne i Hercegovine, na 33. sjednici održanoj 10.1.2008. godine, donijelo je Odluku o početku rada i utvrđivanju sjedišta Agencije («Službeni glasnik BiH» broj 10/08), a na 51. sjednici održanoj 3.6.2008. godine, donijelo Odluku o imenovanju prof. dr. sc. Nihada Fejzića za vršioca dužnosti direktora Agencije.

Vijeće Ministara BiH je na svojoj 53. sjednici održanoj 23.6.2008. godine na prijedlog Ministarstva civilnih poslova donijelo Odluku o dodjeli 580.219,00 KM za rad Agencije u 2008. godini, čime su stvorene pretpostavke za početak rada Agencije.

1.2. Izbor i imenovanje rukovodstva i upravnog odbora Agencije

Vijeće Ministara BiH je na 64. sjednici održanoj 30.10.2008. godine nakon provedenog postupka donijelo Odluku o izboru i imenovanju rukovodstva Agencije i to:

- prof. dr. sc. Nihad Fejzić, direktor,
- mr. sc. Jugoslav Vuk Tepić, zamjenik direktora
- Boris Ćurković, zamjenik direktora Agencije.

Na istoj sjednici, Vijeće Ministara BiH je utvrdilo prijedlog za izbor Upravnog odbora Agencije koji je proslijeđen Parlamentarnoj skupštini BiH na daljnje postupanje. Parlamentarna skupština BiH je na osnovu člana 51. stav 9. Okvirnog zakona o visokom obrazovanju u BiH («Službeni glasnik BiH» broj 59/07) na 40. sjednici Predstavničkog doma održanoj 19.11.2008. godine, i na 23. sjednici doma naroda održanoj 4.12.2008. godine donijela Odluku o izboru članova Upravnog odbora Agencije:

- iz srpskog naroda: Mišo Kulić, na period od tri godine; Stevo Pašalić, na period od dvije godine, i Darko Petković, na period od jedne godine.
- iz bošnjačkog naroda: Sabahudin Ekinović, na period od tri godine; Bakir Mehić, na period od dvije godine, i Refik Šahinović, na period od jedne godine.
- iz hrvatskog naroda: Ivo Rozić, na period od tri godine; Slavica Juka, na period od dvije godine, i Siniša Skočibušić, na period od jedne godine.
- iz reda ostalih: Emina Hot – Šljuka, na period od tri godine.

Na inicijativu Ministarstva civilnih poslova 16. decembra 2008. godine održana je prva (konstitutivna) sjednica Upravnog odbora na kojoj je za predsjedavajućeg upravnog odbora na period od jedne godine izabran Prof.dr. Mišo Kulić.

2. PLANIRANJE RADA ZA 2008. godinu

V.d. direktor je izradio Plan aktivnosti za uspostavljanje rada Agencije koji je dostavljen Ministarstvu civilnih poslova BiH. Plan rada je uključio slijedeće osnovne aktivnosti:

RB	Naziv aktivnosti	Nosioc	Rok izvršenja
1	Izrada pečata i štambilja Agencije	v.d. direktor	Juli
2	Utvrdjivanje privremenih prostorija za rad Agencije prema sjedištu u Banja Luci	v.d. direktor u saradnji s MCP i Ministarstvom prosvjete i kulture Republike Srpske	Juli
3	Registracija Agencije u Zavodu za statistiku i poreskoj upravi Republike Srpske	v.d. direktor u saradnji s Ministarstvom prosvjete i kulture Republike Srpske	Juli
4	Angažovanje osoblja u minimalnom obuhvatu za tehničke poslove u sjedištu Agencije (do okončanja postupka prijema državnih službenika i uposlenika)	v.d. direktor	juli/ septembar
5	Izrada Prijedloga Statuta Agencije Pravilnika o unutrašnjoj organizaciji i sistematizaciji	v.d. direktor/Ministarstvo civilnih poslova BiH	Juli
7	Uspostava konekcija i procedura za rashode iz budžeta Agencije i izrada prijedloga internih procedura	Agencija/Ministarstvo finansija i trezora	juli
8	Izrada plana nabavki i tenderske dokumentacije za pokretanje procedura javnih nabavki za kapitalne izdatke po odobrenom budžetu Agencije	Agencija	Septembar
10	Osposobljavanje prostorija Agencije za funkcionalan rad državnih službenika i uposlenika	Agencija	septembar
12	Uspostavljanje internet LAN mreže Agencije i registracija web domene i elektronskih adresa	Agencija	novembar

Sve aktivnosti planirane za uspostavu rada Agencije u toku 2008. godine su u potpunosti provedene u predviđenim rokovima.

3. PRAVILNIK O UNUTRAŠNJOJ ORGANIZACIJI AGENCIJE

V.d. direktor je izradio prijedlog Pravilnika o unutrašnjoj organizaciji Agencije, koji je dostavljen svim relevantnim institucijama na mišljenje (Ministarstvo pravde, Ministarstvo finansija i trezora, Ured za zakonodavstvo), prošao je proceduru izjašnjavanja na Odboru za unutrašnju politiku (41. sjednica od 09.09.2008. godine), usaglašen je sa mišljenjem resornog Ministarstva civilnih poslova i dostavljen Generalnom sekretarijatu Vijeća Ministara 05.11.2008. godine.

Pravilnikom je predviđeno ukupno 35 izvršioaca, od toga: 3 imenovana rukovodioca, 20 državnih službenika i 12 zaposlenika.

Prijedlog Pravilnika sa predloženim sektorima kao osnovnim organizacionim jedinicima i dvije unutrašnje organizacione jedinice u sastavu sektora za pravne, kadrovske, finansijske i opšte poslove, sa predloženim brojem državnih službenika i zaposlenika pripremljen je u skladu sa smjernicama za organizaciju i uspostavu rada Agencije datim u sklopu zajedničkog projekta Evropske komisije i Vijeća Evrope: „Jačanje visokog obrazovanja u BiH“. Predloženo organizaciono rješenje obezbjeđuje punu efikasnost i racionalnost u izvršenju poslova i djelatnosti Agencije definisanih Okvirnim zakonom o visokom obrazovanju u BiH, usaglašeno je sa organizacijom sličnih tijela i institucija u zemljama regiona i EU i obezbjeđuje nezavisnost rada Agencije u dijelu vanjskog osiguranja kvaliteta visokog obrazovanja u BiH.

4. IZRADA OPŠTIH AKATA AGENCIJE (interne procedure za poslovanje)

V.d. direktor Agencije je po stupanju na dužnost izradio i donio nužne interne procedure za poslovanje Agencije. Većina procedura donesenih u ovom periodu su privremenog karaktera do usvajanja Pravilnika o unutrašnjoj organizaciji i imenovanja rukovodstva Agencije. Agencija je u 2008 godini poslovala u skladu sa slijedećim procedurama i odlukama:

- Pravilnik o internim procedurama stvaranja i evidentiranja obaveza i načinu potpisivanja finansijske dokumentacije;
- Odluka o određivanju visine blagajničkog maksimuma, načinu korištenja i odgovornosti za materijalno i fizičko osiguranje gotovine;

- Odluka o pravu na korištenje službenih mobilnih i telefona i naknadi za njihovo korišćenje;
- Pravilnik o uvjetima i načinu korištenja službenih vozila i privatnog automobila u službene svrhe;
- Pravilnik o reprezentaciji i poklonima;
- Pravilnik o korišćenju i čuvanju pečata;
- Pravilnik o internoj kontroli.

Sve planske obaveze prema Ministarstvu finansija i trezora tokom 2008 godine su uredno i na vrijeme završavane. Prijedlog budžeta Agencije za 2009 godinu je izrađen na osnovu instrukcija Ministarstva finansija i trezora, uključio je sve neophodne i planirane rashode za 2009. godinu uz uvažavanje principa racionalnosti, efikasnosti i štednje.

5. KADROVSKE AKTIVNOSTI

U 2008. godini, budući da Pravilnik o unutrašnjoj organizaciji nije stupio na snagu, u Agenciji su radni odnos zasnovali samo direktor i dvojica zamjenika (od decembra 2009. godine), a tokom 2008 godine ukupno je 6 osoba angažirano po osnovi ugovora o djelu i ugovora o obavljanju privremenih i povremenih poslova (stručni saradnik za finansijsko poslovanje, viši referent za administrativno tehničke poslove (2), viši referent za blagajničko poslovanje, spremačica, vozač – kurir).

Dinamika zapošljavanja u narednom periodu zavisit će od efikasnosti konkursnih postupaka koje će provoditi Agencija za državnu službu, nakon usvajanja Pravilnika o unutrašnjoj organizaciji, a prioritet će biti zapošljavanje državnih službenika na osnovu odobrenih zapošljavanja u budžetu za 2009. godinu.

6. REALIZACIJA JAVNIH NABAVKI

Agencija je u 2008. godini u potpunosti iskoristila sredstva dodjeljenje Odlukom o dodjeli sredstava za kapitalne izdatke u iznosu od 150,000 KM. Provedene su procedure nabavke kroz jedan otvoreni postupak i tri konkurentna postupka. Izvršena je nabavka službenih vozila, informatičke i komunikacijske opreme i kancelarijskog potrošnog materijala nužnog za početak rada i poslovanje u toku 2008 godine, što je stvorilo pretpostavke za efikasan rad Agencije u 2009. godini.

7. PROSTOR ZA SJEDIŠTE AGENCIJE

Agencija je tokom 2008. godine privremeno smještena u jednoj baraci koja je vlasništvo Ministarstva prosvjete i kulture Republike Srpske, na adresi Vuka Karadžića broj 1, koji joj je dodijeljen na korištenje Odlukom Vlade Republike Srpske. Pored ovog prostora, za potrebe administrativno tehničkih poslova van sjedišta Agencija koristi pod zakup jednu kancelariju u Sarajevu.

8. USPOSTAVLJANJE INSTITUCIONALNE, REGIONALNE I MEĐUNARODNE SURADNJE

Agencija je tokom izvještajnog perioda u cilju prikupljanja informacija i stvaranja pretpostavki za uspješan rad stalno uspostavljala saradnju sa nadležnim obrazovnim vlastima na svim nivoima u BiH i predstavnicima akademske zajednice, kao i saradnju sa Agencijama i sličnim institucijama u regionu i EU.




Direktor
Prof. dr. Nikad Fejzić




BOSNA I HERCEGOVINA
VIJEĆE MINISTARA
Generalno tajništvo

Broj: 05-07-1412-27/09
Sarajevo, 8.5.2009. godine



BOSNA I HERCEGOVINA
AGENCIJA ZA RAZVOJ VISOKOG OBRAZOVANJA
I OSIGURANJA KVALITETA BOSNE I HERCEGOVINE

PRIMLJENO	08.05.09.
Org. jedinica	
Opr. jedinica	
01	50 313 1



01 -
02 -
03 -

**AGENCIJA ZA RAZVOJ VISOKOG OBRAZOVANJA
I OSIGURANJA KVALITETA BOSNE I HERCEGOVINE**

*Ubrisi iz predmet
logina na daskama
izvještaj o radu*

SARAJEVO

PREDMET: Obavijest

Obavještavamo vas da je Vijeće ministara Bosne i Hercegovine, na 86. sjednici održanoj 7.5.2009. godine, razmotrilo i usvojilo Izvještaj o radu Agencije za razvoj visokog obrazovanja i osiguranja kvaliteta BiH za 2008. godinu

S poštovanjem,



GENERALNI TAJNIK
Zvonimir Kutleša